

23 декабря

ВЕЛИКАЯ ВЕЧЕРНЯ (СОКРАЩЕННАЯ)

По окончании 9-го часа священник произносит начальный возглас:

Благословен Бог наш всегда, ныне и присно, и во веки веков.

Чтец: Аминь.

Приидите, поклонимся Царéви нашему Бо́гу.

Приидите, поклонимся и припаде́м Христу́ Царéви нашему Бо́гу.

Приидите, поклонимся и припаде́м Самому́ Христу́, Царéви и Бо́гу нашему.

Псалом 103

Благослови́, душе́ моя́, Го́спода. Го́споди, Бо́же мой, возвели́чился еси́ зело́. Во испове́дание и в велеле́поту облéклся еси́. Оде́йся свéтом, я́ко ри́зою, протира́яй не́бо, я́ко ко́жу. Покрыва́яй вода́ми превы́спренняя Своя́, полага́яй о́блаки на восхожде́ние Своё, ходя́й на крилу́ вéтрению. Творя́й А́нгелы Своя́ ду́хи и слуги́ Своя́ пла́мень о́гненный. Основáяй зéмлю на твёрди ея́, не преклонится́ в век ве́ка. Бэ́дна, я́ко ри́за, одея́ние ея́, на гора́х ста́нут во́ды, от запре́щения Твоего́ побéгнут, от гласа́ гро́ма Твоего́ убо́ятся. Восхо́дят го́ры и нисхо́дят поля́ в ме́сто, е́же основáл еси́ им. Преде́л положи́л еси́, егóже не пре́йдут, ниже́ обратятся́ покры́ти зéмлю. Посыла́яй исто́чники в де́брех, посреде́ гор про́йдут во́ды. Напáют вся звéри сéльные, ждут она́гри в жа́жду свою́. На тых́ пти́цы небéсныя приви́тают, от сре́ды ка́мения да́дут глас. Напáяяй го́ры от превы́спренных Свои́х, от пло́да дел Твои́х насы́тится земля́. Прозяба́яй траву́ ското́м, и зла́к на службу́ челове́ком, изве́сти́ хлеб от земли́. И вино́ весели́т се́рдце челове́ка, ума́стити лице́ елéем, и хлеб се́рдце челове́ка укрепи́т. Насы́тятся древа́ польская́, ке́дри Ливáнстии, ихже еси́ насади́л. Та́мо пти́цы вогнездя́тся, еродиево жили́ще предводителъствует́ ими. Го́ры высо́кия елéнем, ка́мень прибе́жище зáяцем. Сотвори́л естъ луnú во времена́, со́лнце позна́ за́пад свой. Положи́л еси́ тму, и бысть но́щь, в нейже про́йдут вси звéрие дубра́внии. Скíмни рыка́ющие, восхити́ти и взыска́ти от Бо́га пи́щу себе́. Возсия́ со́лнце и собра́шася и в ло́жах свои́х ля́гут. Изы́дет челове́к на де́ло своё́ и на де́лание своё́ до вéчера. Я́ко возвели́чишася дела́ Твоя́, Го́споди, вся премúдростию сотвори́л еси́, испо́лнися земля́ тва́ри Твоея́. Си́е мо́ре вели́кое и пространное, та́мо га́ди, имже несть числа́, живóтная ма́лая с вели́кими, та́мо корабли́ препла́вают, змий сей, егóже созда́л еси́ руга́тися ему́. Вся к Тебе́ ча́ют, да́ти пи́щу им во бла́го вре́мя. Да́вшу Тебе́ им со́беру́т, отве́рзшу Тебе́ ру́ку вся́ческая испо́лнятся бла́гости, отве́рщшу же Тебе́ лице́, возме́ются, оты́меша́ дух их, и исче́знут, и в персть свою́

23 декабря, свят. Иоаса́ф, епископ Белгородский

возвратя́тся. По́слеши Ду́ха Твоего́, и сози́ждутся, и обнові́ши лице́ земли. Буди́ сла́ва Госпо́дня во ве́ки, возвеселі́тся Госпо́дь о де́лах Свои́х, призира́я на зе́млю, и творя́я ю́ трясти́ся, прикаса́яся гора́м, и дыма́тся. Воспою́ Господеви в живо́те моём, пою́ Бо́гу моему́, до́ндеже есмь, да усади́тся Ему́ бесе́да моя́, аз же возвеселю́ся о Госпо́де. Да исче́знут грѣшницы от земли́, и беззако́нницы, я́коже не бы́ти им. Благослови́, душе́ моя́, Госпо́да.

Со́лнце позна́ запа́д свой. Положи́л еси́ тму, и бысть но́щь. Я́ко возвели́чишася дела́ Твоя́, Госпо́ди, вся премудро́стию сотвори́л еси́.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же *(Трижды)*.

Ектения великая

Диакон: Мíром Госпо́ду помо́лимся.

Лик: Госпо́ди, поми́луй.

Диакон: О свы́шнем міре и спасе́нии душ на́ших, Госпо́ду помо́лимся.

Лик: Госпо́ди, поми́луй.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Марию́ со все́ми святы́ми помяну́вше, са́ми себѣ и друг дру́га, и весь живо́т наш Христу́ Бо́гу преда́дим.

Лик: Тебе́, Госпо́ди.

И священник возглашает: Я́ко подоба́ет Тебе́ вся́кая сла́ва, честь и поклонѣ́ние, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Лик: Ами́нь.

Кафизма 1

Лик: Блаже́н му́ж, и́же не і́де на сове́т нечесті́вых.

Я́ко ве́сть Госпо́дь пу́ть пра́ведных, и пу́ть нечесті́вых по́гибнет./ Аллилу́иа, аллилу́иа, аллилу́иа, сла́ва Тебе́ Бо́же.

Рабо́тайте Господеви со стра́хом, и ра́дуйтесь Ему́ со трѣ́петом./ Аллилу́иа, аллилу́иа, аллилу́иа, сла́ва Тебе́ Бо́же.

Блаже́ни всѣ́ наде́ющіися На́нь. Воскрѣ́снїи, Госпо́ди, спаси́ мя, Бо́же мой./ Аллилу́иа, аллилу́иа, аллилу́иа, сла́ва Тебе́ Бо́же.

23 декабря, свят. Иоаса́ф, епископ Белгородский

**Госпо́дне е́сть спасе́ние, и на лю́дех Твои́х благослове́ние
Твое́./ Аллилу́иа, аллилу́иа, аллилу́иа, сла́ва Тебе́ Бо́же.**

**Сла́ва Отцу́ и Сы́ну и Свято́му Ду́ху, и ны́не и прісно, и во
ве́ки веко́в./ Ами́нь. Аллилу́иа, аллилу́иа, аллилу́иа, сла́ва Тебе́
Бо́же.**

Аллилу́иа, аллилу́иа, аллилу́иа, сла́ва Тебе́ Бо́же. (Трижды)

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, поми́луй.

Засту́пи, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Марию́
со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Возглашение: Яко́ Твоя́ держа́ва, и Твое́ есть ца́рство, и си́ла, и сла́ва, Отца́ и Сы́на и Свята́го Ду́ха, ны́не, и
прісно, и во ве́ки веко́в.

Лик: Ами́нь.

Стихиры на «Господи, воззвах»

Канонарх: Глас 8, Го́ споди, воззва́ х к Тебе́ , услу́ ши мя.

**Го́споди, воззва́х к Тебе́, услу́ши мя./ Услу́ши мя, Го́споди.
Го́споди, воззва́х к Тебе́, услу́ши мя:/ вонми́ гла́су моле́ния мое-
го́, / внегда́ воззва́ти ми к Тебе́.// Услу́ши мя, Го́споди.**

**Да испра́вится моли́тва моя́,/ я́ко кади́ло пред Тобо́ю,/ воз-
дея́ние руку́ моёю/ – же́ртва вече́рняя./ Услу́ши мя, Го́споди.**

свт. Иоаса́фа, епископа Белгородскаго на 3

На 6, стіх: Аще беззако́ния на́зриши, Го́споди, Го́споди, кто постои́т?

// Я́ко у Тебе́ очище́ние есть.

Дѣ́вен Бог во святы́х Свои́х,/ в ро́дах христи́анских чудодѣ́й-
ствуяй/ и но́выя избра́нники Сво́я явля́й:/ зрим бо и ны́не
Иоаса́фа угодника/ от Христа́ прославля́ема,/ и красото́ю добро-
дѣ́телей свои́х страну́ нашу озаря́юща,/ и дерзнове́ние вѣ́лие
иму́ща/ мир вселѣ́нней дарова́ти// и душа́м на́шим вѣ́лию
ми́лость.

Сти́х: Имене ра́ди Твоего́ потерпѣх Тя, Го́споди, потерпѣ душа́ моя в
сло́во Твое́,

// упова́ душа́ моя на Го́спода.

Дѣ́вен Бог во святы́х Свои́х,/ в ро́дах христи́анских чудодѣ́й-
ствуяй/ и но́выя избра́нники Сво́я явля́й:/ зрим бо и ны́не
Иоаса́фа угодника/ от Христа́ прославля́ема,/ и красото́ю добро-
дѣ́телей свои́х страну́ нашу озаря́юща,/ и дерзнове́ние вѣ́лие
иму́ща/ мир вселѣ́нней дарова́ти// и душа́м на́шим вѣ́лию
ми́лость.

На 4, сти́х: От стра́жи у́тренния до но́щи, от стра́жи у́тренния,

// да упова́ет Изра́иль на Го́спода.

Ли́к святы́х Твои́х, Го́споди, на Небесе́х умно́жися/ пре-
ставле́нием святите́ля Твоего́ Иоаса́фа,/ егѡ́же и на земли́ Це́р-
ковь воспева́ет:/ того́ у́бо моли́твы о нас приими́, Человеколю́б-
че,// я́ко имѣ́й вѣ́лию ми́лость.

Ин стихи́ры свт. Иоаса́фа. Глас 5:

Сти́х: Я́ко у Го́спода ми́лость, и мно́гое у Него́ избавле́ние,

// и То́й изба́вит Изра́иля от все́х беззакѡ́ний егѡ́.

Ра́дуйся, священна́я главо́,/ святите́лю Бо́жий Иоаса́фе,/ па́-
стырей богому́дрое пра́вило/ и ино́ков наста́вниче предѡ́брый;/

ра́дуйся, боля́щих целі́телю пресла́вный/ и скорбя́щих утёши-
телю ми́лостивый./ Моли́ся прі́сно ко Го́споду/ и нам подра-
жа́телем тебе́ бы́ти/ и, грехо́вная вся презре́вшим,// Еди́ному
Бо́гу рабо́тати.

На 2, стих: Хвали́те Го́спода всі́ язы́цы,
// похва́лите Егó всі́ лю́дие.

Ра́дуйся, свяще́нная главó,/ святі́телю Бо́жий Иоаса́фе,/ па-
стырей богому́дрое пра́вило/ и ино́ков наста́вниче предóбрый;/
ра́дуйся, боля́щих целі́телю пресла́вный/ и скорбя́щих утёши-
телю ми́лостивый./ Моли́ся прі́сно ко Го́споду/ и нам подра-
жа́телем тебе́ бы́ти/ и, грехо́вная вся презре́вшим,// Еди́ному
Бо́гу рабо́тати.

Стих: Яко утверди́ся ми́лость Егó на нас,
// и і́стина Госпо́дня пребыва́ет во ве́к.

Ра́дуйся, страсте́й сопроти́воборче/ и духовнаго де́лания
тру́днице;/ ра́дуйся, пра́ведниче, смиренному́дрія испо́лнен-
ный,/ гордых ми́ра сегó обли́чителю/ и лени́вых гро́зный ка-
ра́телю./ Не престáй моля́ся ко Го́споду о нас,// во е́же спасти́ся
нам.

Сла́ва, глас 2.
// Сла́ва Отцу́, и Сы́ну, и Свято́му Ду́ху.

Ки́ими похва́льными венцы́/ увенча́ем святі́теля Хри-
сто́ва,/ Госпо́дню сла́ву непреста́нно возвеща́вшего/ и благо-
че́стие пра́вое повсю́ду насади́вшего,/ за́поведей Христо́вых жи-
вю́ю скрижа́ль,/ на ли́ца челове́ков не взира́вшего,/ но ду́ши

всех ко спасѣнію приводѣвшаго;/ сего́ бо венцы́ нетлѣнными
венча́ет Христо́с Бог наш,// имѣяй ве́лию ми́лость.

И ны́не, глас 2:

// И ны́не, и прѣсно, и во ве́ки веко́в. Ами́нь.

Пре́йде сень зако́нная,/ благода́ти прише́дши:/ я́ко же бо ку-
пина́ не сгара́ше, опаля́ема,/ та́ко Де́ва родила́ еси́/ и Де́ва пре-
была́ еси́./ Вме́сто столпа́ о́гненнаго/ пра́ведное возсия́ Со́лнце,
 Вме́сто Моисе́я// Христо́с, спасѣ́ние душ на́ших.

Вечерняя песнь Сыну Божию

Свѣте Ти́хий святѣ́я сла́вы,/ Безсме́ртнаго, Отца́ Небе́сна-
го,/ Свята́го Блаже́ннаго, Иису́се Христѣ́./ Прише́дше на за́пад
со́лнца,/ ви́девши свет вече́рний,/ поѣм Отца́, Сы́на и Свята́го
Ду́ха, Бо́га./ Досто́ин еси́ во вся временá/ пѣт бы́ти гла́сы пре-
подобны́ми,/ Сы́не Бо́жий, живо́т да́й,// те́мже ми́р Тя сла́вит.

Диакон: Во́нмем.

Священник: Мир всем.

Лик: И ду́хови твоemú.

Прокимен

В понедельник вечера, глас 4:

Диакон: Прему́дрость. Во́нмем. Прокі́мен, глас 4.

Госпо́дь услы́шит мя, / внегда́ воззва́ти ми к Нему́.

Лик: Госпо́дь услы́шит мя, / внегда́ воззва́ти ми к Нему́.

Диакон: Внегда́ призва́ти ми, услы́ша мя Бог пра́вды моея́.

Лик: Госпо́дь услы́шит мя, / внегда́ воззва́ти ми к Нему́.

Диакон: Госпо́дь услы́шит мя

Лик: Внегда́ воззва́ти ми к Нему́.



Чтение Святого Писания Святителю

Диакон: Премудрость.

Чтец: Притчей чтение

Диакон: Вонмем.

Чтец: Па́мь прáведнаго с похвалáми, и благословéние Госпóдне на главé егó. Блажéн человек, íже обрéте Премúдрость, и смérтен, íже увéде рáзум. Лúчше бо Сию́ куповáти, нéжели злáта и сребрá сокровища. Честнéйшая же есть кáмений многоцéнных, все же честнóе недостóйно Ея́ есть. Долготá бо дней и лéта животá в десни́це Ея́, в шýйце же Ея́ богáтство и слáва. От уст Ея́ исхóдит прáвда, закóн же и мýлость на язýще нóсит. Послúшайте úбо Менé, о чáда, честнáя бо рекý: и блажéн человек, íже путý Мой сохранít; исхóди бо Мой, исхóди животá, и уготовлýется хотéние от Гóспода. Сегó рáди молю́ вас и предлагáю Мой глас сыновóм человекéским: я́ко Аз, премúдрость устрóих, совéт и рáзум, и смысл Аз призвáх. Мой совéт и утверждéние, Мой рáзум, Моя́ же крéпость. Аз Менé любя́щих люблю́, ищущи́и же Менé обря́щут благодáть. Разумéйте úбо, незлóбиви́и, коварство, ненакáзанны́и же, прилагáйте сердцá. Послúшайте Менé и пáки, честнáя бо рекý: и отвéрзу от устéн прáвая, я́ко íстине поучítся гортáнь Мой, мёрзки же прéдо Мнóю устнý лжívия. С прáвдою вси глагóлы уст Мойх, ничтóже в них стрóпотно, ни́же развращённо. Вся прáва суть разумева́ющим и прóста обрета́ющим рáзум. Научáю бо вас íстине, да бýдет о Гóсподе наде́жда ва́ша, и испóлнитеся Дýха.

Диакон: Премудрость.

Чтец: Премудрости Соломоновы чтение

Диакон: Вонмем.

Чтец: Уста́ прáведнаго ка́плют премúдрость, устнé же мужéй мýдрых вéдят благодáть. Уста́ мýдрых поучáтся премúдрости, прáвда же избавлýет их от смérти. Скончáвшуся мýжу прáведну, не погíбнет наде́жда. Сын бо прáведен раждáется в живóт и во благíх сво́их плод прáвды обýмет. Свет прáведным всегда́, и от Гóспода обря́щут благодáть и слáву. Язы́к мýдрых

до́брая свестъ, и в се́рдце их почи́ет му́дрость. Лю́бит Госпо́дь преподо́бная се́рдца, приятно́ же Ему́ вси непоро́чнии в пу́ти. Му́дрость Госпо́дня просвещает ли́це разу́много. Постига́ет бо жела́ющия Ю́, прѣ́жде да́же разу́мети Ю́, и удо́бь у́зрится от лю́бящих Ю́. У́треневавый к Ней не утруди́тся, и бдяй Ея́ ра́ди вско́ре без печа́ли бу́дет. Я́ко досто́йных Ея́ Сама́ обхо́дит, и́щущи, и во стезя́х Ея́ явля́ется им благоприе́мне. Му́дрости нико́гдаже одоле́ет зло́ба. Сих ра́ди и рачи́тель бых добро́ты Ея́, и возлю́бих Ю́, и поиска́х от ю́ности моея́. И взыска́х Невѣсту приве́сти себѣ́, я́ко всех Вла́дыка возлю́би Ю́. Таи́нница бо е́сть Бо́жия хитро́сти, и обрета́тельница дел Его́. Труды́ Ея́ суть добродѣ́тели: целому́дрию же и ра́зуму Та учи́т, пра́вде и му́жеству, ихже потре́бнее ничто́же е́сть в жити́и челове́ком. А́ще же и мно́гаго иску́сства жела́ет кто, ве́сть дре́вняя, и бы́ти хотя́щая разсмо́трит. Свестъ извѣ́тия словѣс и разре́шения гада́ний, зна́мения и чуде́са проразуме́ет, и собы́тия вре́мен и лет; и всем сове́тник е́сть благ, я́ко безсме́ртное е́сть в Ней и благосла́вие во обще́нии словѣс Ея́. Сего́ ра́ди бесе́довах ко Го́споду, и помоли́хся Ему́, и рех от всего́ се́рдца моего́: Бо́же отце́в и Го́споди ми́лости, сотвори́вый вся Сло́вом Твои́м и Му́дростию Твое́ю устро́ивый челове́ка, да вла́деет бы́вшими от Тебе́ тварьми́ и да управляет мир в преподо́бии и пра́вде. Дажь ми Твои́х Престо́лов присе́дающую Прему́дрость и не отлучи́ мене́ от о́трок Твои́х, я́ко аз раб Твой и сын рабы́ни Твоея́. Посли́ Ю́ с Небе́с от свята́го жили́ща Твоего́, и от Престо́ла сла́вы Твоея́, да сущи со мно́ю, научи́т мя, что благоуго́дно е́сть пред Тобо́ю, и наста́вит мя в ра́зум, и сохрани́т мя в сла́ве Сво́ей. Помышле́ния бо сме́ртных вся боязли́ва, и погреши́тельна умы́шления их.

Диакон: Прему́дрость.

Чтец: Прему́дрости Соломо́новы чтѣ́ние

Диакон: Во́ннем.

Чтец: Похваля́ему пра́веднику, возвеселя́тся лю́дие: безсме́ртное бо е́сть па́мьять его́, я́ко от Го́спода познава́ется и от челове́ков, и уго́дна Го́споду ду́ша его́. Возлю́бите у́бо, о му́жие, Му́дрость и поживе́те, восхо́щите Ея́ и нака́зани бу́дете: нача́ло бо Ея́ лю́быи соблюде́ние зако́на. Почти́те Прему́дрость, да во ве́ки ца́рствуете. Возвещу́ вам и не скрю́ю от вас та́ин Бо́жиих. Я́ко Той му́дрости наста́вник е́сть, и му́дых испра́витель, и вся́кому смы́слу и де́лу хитре́ц. И всем смы́слом научи́т Му́дрость: е́сть бо в Ней Ду́х разу́мен и свят, и сия́ние Све́та Присносу́щного, и О́браз бла́гости Бо́жия. Та́я дру́ги Бо́жия и про́роки устро́яет. Благоле́пнейши же е́сть со́лнца и па́че вся́каго сотворе́ния звезд, све́ту сосужда́ема обрета́ется пе́рвейши. Та́я угожда́ющая Ей от боле́зни изба́ви и наста́ви на стези́ пра́выя. Дадé им ра́зум имéти свят и сохрани́ от ловя́щих, и по́дви́г кре́пок подаде́ им. Да разу́мею́т вси, я́ко си́льнейши всего́

есть благоче́стие; и нико́гдаже премо́жет зло́ба му́дрости, ниже́ прейдет злы́я облича́ющи суд. Реко́ша же в себе́, помы́сливше непра́ведно: насильствуем пра́ведному и не пощади́м преподо́бства его́, ни усра́мимся се́дин ста́рости многоле́тны. Бúдет бо нам крѣ́пость зако́н, и улови́м пра́веднаго, я́ко неуго́ден нам есть, и проти́вится деломъ на́шим, и понóсит нам отпаде́ние зако́на, и облича́ет нам согреше́ния наказа́ния на́шего. Возвеща́ет нам ра́зум имѣти Бо́жий и о́трока Господня́ себе́ именует. Бысть нам на обличе́ние помышле́ний на́ших и тяжек нам есть, и ви́дим, я́ко неподóбно инѣм жити́е его́ и изменѣны стези́ его́. В поруга́ние вмени́хомся ему́, и удаля́ется от путе́й на́ших, я́ко от нечистóт, и блажи́т послѣдняя пра́ведных. Уви́дим у́бо, а́ще словеса́ его́ и́стинна суть, и́скусим, я́же сбыва́ются ему́. Руга́нием и му́кою истя́жем его́, да разуме́ем крото́сть его́, и и́скусим беззло́бство его́, сме́ртию безобра́зною осуди́м его́, бúдет бо посече́ние от словесъ его́. Сия́ помы́слиша и прельсти́шася: ослепи́ бо я́ зло́ба их, и не разуме́ша та́ин Бо́жиих и не разсуди́ша, я́ко Ты еси́ Бог Еди́н, живота́ имѣяй и сме́рти власть, и спаса́яй во вре́мя ско́рби, и избавля́яй от вся́каго зла. Ще́др и ми́лостив, и да́й преподо́бным Свои́м благода́ть, и Сво́ею мы́шцею го́рдым противля́йся.

Сугубая ектения

Диакон: Рцем вси́ от всея́ души́, и от всего́ помышле́ния на́шего рцем.

Лик: Го́споди, поми́луй.

Диакон: Го́споди Вседержи́телю, Бо́же оте́ц на́ших, мо́лим Ти ся, услы́ши и поми́луй.

Лик: Го́споди, поми́луй.

Диакон: Поми́луй нас, Бо́же, по вели́цей ми́лости Твое́й, мо́лим Ти ся, услы́ши и поми́луй.

Лик: Го́споди, поми́луй (*трижды*).

И священник возглашает: Я́ко Ми́лостив и Человеколю́бец Бог еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно и во ве́ки веко́в.

Лик: Ами́нь.

Молитва при наступлении вечера

Лик: Сподо́би, Го́споди, в ве́чер сей без греха́ сохра́нѣтися нам./ Благослове́н еси́, Го́споди Бо́же оте́ц на́ших,/ и хва́льно и просла́влено и́мя Твое́ во ве́ки, ами́нь./

Буди, Го́споди, ми́лость Твоя́ на нас, я́коже упова́хом на Тя./ Благослове́н еси́, Го́споди, научи́ мя оправда́нием Твои́м./

23 декабря, свят. Иоаса́ф, епископ Белгородский

Благословѣн еси́, Влады́ко, вразуми́ мя оправда́нием Твои́м./

Благословѣн еси́, Святы́й, просвети́ мя оправда́нии Твои́ми./

Го́споди, ми́лость Твоя́ во век, дел рукú Твоею не прѣзри./
Тебе́ подобáет хвалá. Тебе́ подобáет пѣние,/ Тебе́ сла́ва подобáет,
Отцú и Сы́ну и Свято́му Ду́ху,// ны́не и прісно и во ве́ки веко́в.
Ами́нь.

Ектения просительная

Диакон: Исполним вечернюю молитву нашу Господеви.

Лик: Го́споди, поми́луй.

Диакон: Вѣчера всего́ соверше́нна, свѣта, мирна и безгрѣшна у Го́спода прóсим.

Лик: Пода́й, Го́споди.

Диакон: Пресвяту́ю, Пречи́стую, Преблагословѣнную, Сла́вную Влады́чицу нашу Богородицу и Присноде́ву Марию́ со все́ми святы́ми помяну́вше, са́ми себѣ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

И священник возглашает: Я́ко благ и человеколю́бец Бог еси́, и Тебе́ сла́ву возсыла́ем, Отцú, и Сы́ну, и Свято́му Ду́ху, ны́не и прісно, и во ве́ки веко́в.

Лик: Ами́нь.

Священник: Мир всем.

Лик: И ду́хови твоему́.

Диакон: Главы́ наша Господеви приклóним.

Лик: Тебе́, Го́споди.

И возглашает священник: Буди держа́ва Ца́рствия Твоего́ благословѣна и препросла́влена, Отца́, и Сы́на, и Свята́го Ду́ха, ны́не и прісно, и во ве́ки веко́в.

Лик: Ами́нь.

Стихиры на стиховне

свт. Иоаса́фа, епископа Белгородскаго Глас 7:

Украси́тесь, черто́зи Небе́снии,/ отве́рзьтесь, двѣри до́му
Бо́жия:/ се бо от земли́ вознесе́ся пра́ведная ду́ша святите́ля/ и
со А́нгелы водворя́ется,/ имже жити́ем своим поревновá./ Того́
молитвами, Христé Бо́же,// пощади́ и спаси́ ду́ши наша.

Стих: Честна́ пред Го́сподем

// смерть преподо́бных Его́.

Праведных ду́ши в руце́ Бо́жией,/ и не ко́снется их му́ка,/ но
и ме́ртвенное те́ло пра́веднаго Иоаса́фа/ тле́нию неприча́стно
пребыва́ет/ и растле́нным грехми́ душам исто́чник благода́ти
явля́ется,/ ещѐ же и боля́щим здра́вие да́рует,/ егда́ моли́тв уго́д-
ника Бо́жия воспро́сят// и к нему́ с ве́рою притека́ют.

Стих: Что возда́м Го́сподеви о всех,

// я́же воздаде́ ми?

Поревну́им о благоче́стии, бра́тие,/ зрим бо си́е ве́чною
сла́вою венча́емо:/ возненави́дим горды́ню и сребролю́бие,/ я́ко,
та́я отряну́в, святите́ль Христо́в/ на Небеси́ и на земли́ ве́чную
сла́ву прия́т/ и сокрови́ще обре́те неизжива́емое;/ те́мже и о
гре́шных лю́дех моли́тися дерзнове́ние/ и исцелéний благода́ть
от Бо́га стяжа́,/ да и беззаконны́я путе́м Бо́жиим научи́т,// и не-
честивы́я ко Го́споду обрати́т.

Сла́ва, Глас 7:

// Сла́ва О́тцу, и Сы́ну, и Свято́му Ду́ху.

Украси́тесь, черто́зи Небе́снии,/ отве́рзьтесь, двéри до́му
Бо́жия:/ се бо от земли́ вознесе́ся пра́ведная ду́ша святите́ля/ и
со А́нгелы водворя́ется,/ имже жити́ем своим поревнова́./ Того́
моли́твами, Христé Бо́же,// пощади́ и спаси́ ду́ши на́ша.

И ныне, Глас 7:

// И ны́не, и прі́сно, и во ве́ки веко́в. Ами́нь.

Под кров Твой, Влады́чице,/ вси земноро́днии прибега́юще,
вопи́ем Ти:/ Богоро́дице, упова́ние на́ше,/ изба́ви ны от безме́р-
ных прегреше́ний// и спаси́ ду́ши на́ша.

23 декабря, свят. Иоаса́ф, епископ Белгородский

Молитва святого Симеона Богоприимца

Ны́не отпу́щаеши раба́ Твоего́, Влады́ко,/ по глаго́лу Твое-
му́ с ми́ром:/ я́ко ви́деста о́чи мой спасе́ние Твое́,/ е́же еси́ уго-
то́вал пред лице́м всех люде́й,/ свет во открове́ние язы́ков,// и
сла́ву люде́й Твои́х Изра́иля.

Чтец: Святы́й Бо́же, Святы́й Кре́пкий, Святы́й Безсме́ртный, поми́луй
нас (*трижды*).

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в.
Ами́нь.

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко,
прости́ беззако́ния на́ша; Святы́й, посети́ и исцели́ немо́щи на́ша, и́мене
Твоего́ ра́ди.

Го́споди, поми́луй (*трижды*).

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в.
Ами́нь.

О́тче наш, И́же еси́ на Небесе́х! Да святі́тся и́мя Твое́, да при́дет
Ца́рствие Твое́, да бу́дет во́ля Твоя́, я́ко на Небеси́, и на землі. Хлеб наш
насу́щный даждь нам днесь; и оста́ви нам до́лги на́ша, я́коже и мы оставля́ем
должникóм на́шим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство, и си́ла, и сла́ва, Отца́, и Сы́на, и Свята́го
Ду́ха, ны́не и прісно, и во ве́ки веко́в.

Лик: Ами́нь.

Тропари

Тропарь свт. Иоаса́фа, епископа Белгородскаго, глас 3:

Святі́телю, Христу́ Бо́гу возлю́бленне,/ пра́вило ве́ры и
о́браз милосе́рдия лю́дем был еси́,/ бде́нием же, постóм и моли́т-
вою,/ я́ко свети́льник пресве́тлый, просия́л еси́/ и просла́влен
от Бо́га яви́лся еси́:/ те́лом у́бо в нетле́нии почива́я,/ ду́хом же
Престо́лу Бо́жию предсто́я,/ чудеса́ пресла́вная источа́еши./ Мо-

**ли́ Христа́ Бо́га,/ да утверди́т нас в Правосла́вии и благоче́стии/
и спасе́т ду́ши на́ша.**

Сла́ва и ны́не, глас 3:

// и ны́не, и прѣсно, и во ве́ки веко́в. Ами́нь.

**Тя, ходатайствовавшую спасе́ние ро́да на́шего,/ воспева́ем,
Богоро́дице Де́во:/ плоти́ю бо, от Тебе́ восприя́тою, Сын Твой и
Бог наш,/ Кресто́м воспри́м Страсть,// изба́ви нас от тли, я́ко
Человеколю́бец.**

Диакон: Прему́дрость.

Лик: Благослови́.

Священник: Сый благослове́н Христос Бог наш, всегда́, ны́не и прѣсно и во ве́ки
веко́в.

Лик: Ами́нь.

Лик: Утверди́, Бо́же,/ святу́ю правосла́вную ве́ру, право-
сла́вных христиа́н/ во век ве́ка.

Священник: Пресвята́я Богоро́дице, спаси́ нас.

Лик: Честне́йшую Херуви́м и сла́внейшую без сравне́ния
Серафи́м,/ без ислéния Бо́га Сло́ва ро́ждшую,// су́щую Бого-
ро́дицу Тя велича́ем.